



Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

Praxis se Deo, Divisque sub noctem piè commendandi.

[urn:nbn:de:hbz:466:1-50863](#)

tem & qui dedisti velle, da & perficere
per Christum Dominum nostrum. Amé.

Subiungi possunt quinque Pater & Ave, tam
pro delictis illa die admissis, & indulgentiis lucrā-
dis, tum pro conversione peccatorum & solemni
delictum defunctorum, cum profunditatem cuius al-
bo inscriptus es. Quarante annis nonam, diem
clarae sequentibus punctis.

Praxis se Deo, Divisque sub
noctem piē commendandi.

Oratio I. ad Deum Patrem.

Mane nobiscum, Domine, quoniam ad-
vespera scit; custodi me ut pupillam o-
culi, & sub umbra alarum tuarum pro-
tege me, ne unquam obdormiam in mor-
te, & gratiā tuā excidam. Credo in te, ô
infallibilis Veritas! Spero in te, ô æter-
na nostra Beatitas! Amo te ô summa &
infinita Bonitas; atq; ab omnibus purissi-
mè & perfectissimè in æternum te amatū
desidero! quidquid hodie in toto terra-
rum orbe peractum est boni, id cum Fi-
lli tui meritistibi offero; utinam millies
illud augere & multiplicare potuissem.
Quidquid verò commissum est mali; uti-
nam vel sanguinis profusione impedi-
licuisset. Quidquid etiam hac nocte effi-
cietur:

HOROLOGIVM

cierar boni [præsertim à Sacerdotibus
& religiosis Famulis tuis laudes tuas psal-
lentibus & sacrificantibus] illud millies
angere & multiplicare exopto: quidquid
verò ab omnibus pescatoribus patrabitur
mali, idipsum vel morte mea arcere desi-
dero. Salva nos Domine vigilantes, cu-
stodi nos dormientes, ut vigilemus cum
Christo, & requiescamus in pace. Amen.

Oratio I. K. ad Christum Dei Filium.

O Salvator amantissime! in benedictas
manus tuas & in sacrosancta vulnera
tuam me, meos, & omnia mea hanc nocte
commendo; vota mea & tibi serviendi
proposita, ac piace quovis modo glorifi-
candi desideria, unquam à me elicita nunc
renovo; de peccatis hodie, totaque vitæ
commissis expuro amore tui summe do-
leo, & veniam ac remissionem humili-
mè flagito. Dignare, Domine Jesu, cum
Patre & sancto Spiritu benignè suscipere,
& infinita pietate tua supplere imperfe-
ctum hodiernum servitutis meæ obsequi-
um; ad maximam gloriam tuam, in gra-
tiarum actionem omnium beneficiorum,
in satisfactionem omnium peccatorum;

pro



S A C E R D O T A L E .
pro omnibus , pro quibus illud hodie ob-
tuli, ad impetrandum defunctis requiem,
vivis gratiam tibi perfecte placendi in
tempore & æternitate. Amen.

Oratio III. ad Spiritum sanctum.

O Divine Spiritus ! in sinuosa suavissimæ
Providentiae tuæ , me, meosque , ac
mundum universum protegendas, gubernan-
dos & conservandos hac nocte & in
hora mortis committo. O Spiritus puri-
tatis ! omnia pravaphantasmata , & viti-
orum irritamenta , contra voluntatem
meam esse ac fore protestor : dignare nos
sub alas paternæ protectionis tuæ suscipe-
re , ab omni malo custodire , tuæq; sa-
craissimæ voluntati semper & in omnibus
conformare ; ut in te vivere , in te mori ,
in te centro nostro æternam quiescere
mereamur. Qui cum Patre & Filio vivis
& regnas in secula seculorum. Amen.

Oratio IV. ad B. V. Mariam.

O Amabilissima Mater , gloriissima
Dei Genitrix & Virgo Maria ! per-
mitte me obsecro sub celestis pallii tuæ
umbra latere & sub protectione tua hac
nocte securè requiescere ; tu enim es , erisq;
sem-

522 H O R O L O G I V M

semper Mater mea gratosissima unicè collenda, amanda, glorificanda: sim ego quoque servus tuus & filius peculiarissimus. Monstra te esse Matrem nunc, semper, & ternalm: ô clemens! ô pia! ô dulcis Virgo Maria Mater gratiæ, Mater misericordiæ, tu nos ab hoste protege, & mortis horâ suscipe.

Oratio V. ad S. Angelum Custodem.

O Amantissime Angele Dei, & fidelissime Custos! qui me dormiente vigilas, & totâ nocte mihi assistere non gravaris: advigila, obsecro, ad me, totamque dominum hanc, & adversa omnia, ac Dæmonis insidias ab ea repelle. Dignare insuper loco mei sine intermissione sanctissimam Trinitatem laudare, & cras statuto tempore me excitare, ut captatâ tantisper quia erit, labores pro Dei gloriâ alacrius ref mere valeam.

Oratio VI.

O Sancti Tutelares & Patroni mei, S. Joannes Baptista, S. Josephe, S. Petre, S. Patile, S. Joannes Evangelista, S. Ignatii, S. F. Xaveri, S. Maria Magdalena, S. Catharina, S. Barbara, S. Theresia, cum annis



anni & mensis hujus Patronis, ceterisq;
Electis Dei dilectissimis; obsecro vos, me
quiescente, supplete vices fragilitatis meæ
in benedicendo, laudando & superexaltando
Domino Deo nostro, misericordia-
as ejus hac nocte & in æternum cantan-
tes; gratiamq; impetrante, in gratia ejus
vivendi, quiescendi, moriendi, & glo-
riæ ejusdem æternum perfruendi. Amen.

Petitio Benedictionis.

Nos cum prole pia benedicat Virgo Maria.

Praxis honestè pieq; eundi cubitum

Cubiculum ingressus, te lectumq; aquâ lustrali
asperge, memorq; Dei & Angeli tui presentis,
dam decenter qm verecundè uestes exuis, recita
psalmum Miserere & De profundis, pro defunctis
vel nocte ista exspiraturis, aut si placet, sequentes
oratiunculas.

Suspirium I. ad Deum Patrem.

Domine Deus, Pater cœlestis, qui Ad-
am post lapsum, tunicam fecisti pelli-
ceam; exue me veterem hominem & pre-
tiosâ gratiæ tuæ tunicâ me indue; quo
omnium terrenorum affectum sic exuam,
ut nudus nudum JESUM filium tuum se-
quat in via exilii, & consequar in patria
Paradisi. Per eundem Christum Domi-
num nostrum. Amen.

Suspi-

Suspirium II. ad Deum Filium.

Domine Jesu Christe, cœlestis Noe, amore nostri inebriate, & vestibus in passione tua spoliate, in pœnam nostram impudentie: per hunc amorem & ruborem tuum supplico, sic gratiae veste me conuge, ut non incidam in confusionem eternam. Amen.

Suspirium III ad Spiritum Sanctum.

Spiritus sancte Deus, vestis gratiae contextor & artifex: quomodo erubescam dum anima mea virtutibus nuda susteret Judicii? Indue me nunc obsecro rogâ polymitâ & variegatâ donorum tuorum, ut tunc non appareat confusio nuditatis meæ. Per Christum Dominum nostrum.

Post hac ad lectum velut ad lethum, ad somnum velut ad fratrem mortis te compara. Lectus intrans: dic cum piissimo Ioanne Bergmanno: Ecce fortassis sepulchrum ingredior, vita incertius, nec crastinum certè mihi polliceri ausus. Deinde lateri dextero incumbens, involutis decenter induitio genibus, & decussatis ante pectus brachiis, somnum operire dicens: In pace cum Deo & hominibus in id ipsum dormiam & requiescam: In manus tuas Domine commendabo spiritum meum: cum desiderio intimo roties Deum Cherubim latitandi, & seraphim amandi, quoties per noctem corporis arteria salient.

INDEX

